

Message Two

Vasahula te Sakna

Teeham Caciim; ; Gen,1:26; 2:7-10, 18-25; Awl,19:7-9; 21:9-11

I. Pathen kah sakna tah cabuciim apum boeih dawngah alungkir akawng lam la awm. Khrih kah vasahula tah thmkhat Pathen kah sakna la awm – “Jehovah Pathen lawng tawngpa teng kalawng azueh pe veruh oen huta te asak tih thlaang tengla akhuen pe” – Gen,2:22.

- A. Cabuciim apum boeih he saknaben kutpawm cauk oen n'thuinuet thai la awm. Cabu ciim dawng aka awm Pathenben phawngna kah atawngna la Eden dum oen aka tuhkai phawngna oen aka ciim cabu dawngah aka awm Pathenben phawngna aboetna la Jerusalem khawthai oen aka tuhkai phawngna tah khat oen khat haidan koepna la awm.
- B. Cabuciim kah he athloep pahih dawngah phawng la aka awm tah Pathen kah alungkir poekna, Pathenben phawngna kah alungkir lawngpui oen aka ciim cabu te thuicaihna ham oen zaakming ciim thaina ham aka tungep alawngim la awm.
 - 1. Genesis, 1 oen 2 he Bawipa kah Pathenben sakna a awm ham Pathen kah hingnaben sakna kah pungcan la awm (Heb,11:10). Pathen kawngaih tah Khrih te mami kah khuiben tuhtawmnaben toe sak ham angaih. Te dengah mami kah coengna apum boih he Khrih oen tuhtawm thai koep la awm ai. He tila Pathen lawng Bawipa kah muisam dawngah Bawipa te tueng ham oen Bawipa kah saithai aana azueng la awm ham aka cuut u thlaang pakhat te adang thai la awm ai (Gen,1:26; 1Kor,3:9); Matt,16:18; 2Sam,7:12-14a).
 - 2. Awlphawng 21 oen 22 he aka sa coeng tangte im pui kah datpung, thumkhat Pathen kah aka cuut tuengna la awm. Jerusalem khawthai he Eden dum oen aka tuhkai Pathenben phawngna kah haidan koepna oen soepna la awm.
 - 3. Khrih tah taacathli kah cumrum la aka awm vasahula te kuttuuk ham zuloukung la va law koep ai. Tahe dungtue ah taacathli kah sakna tah ramdung ah Jerusalem khawthai kah asoepna ham la awm tih (19:7-9) hukhueng atah van thai oen diklai thai ah Jerusalem khaw thai ah apum boeih la asoep ham ni (21:2).
 - 4. Kum zaparui khuiah Ciimuithla kah boetouh la bisaina rangoen he kawltung tah tahe dung aboetna ah soep la awm ai. Te vengah vasahula la aka awm oengcathli tah coekroek la awm poen vetih, Pathen ram taha van pha ai – Matt,26:29; 13:43.
 - 5. Aka cuut u vasahula la Jerusalem khawthai tah Pathen kah apoekna pahih te sope sak la awm ai (Gen,1:26). Lahma la Jerusalem khawthai he Bawipa bawilenna hamla Pathen kah betooet muisam dawngah Pathen te betooet la tueng sak la awm ai (Awl,21:11; cf, 4:3). Apabe ah he Jerusalem khawthai he a raalpa te atuk vetih, diklai te ataa coengah, khawhi pumboeih sawah Bawipa ukna rangoen Pathen kah saithai aana te athuekdang la awm ai (Gen,1:26; Awl,22:5; cf, 20:10, 14-15).
- C. Pathen kah thlaangphuon la aka awm mami he Pathen oen lungna tuhphana a awm vengah, Evi lawng Adam kah hingna tea dang veng kah angla mami khaw seh Bawipa kah hingna te n'dang u. He hingna lawng mami te Pathen oen pumkhat la awm sak ham oen Bawipa te mami oen pumkhat a awm sak thai – Gen,2:21-22.

II. Pathen oen Bawipa kah a thlaangthli pumkhat la awm ham pahih bawk laklaw ah benbang tloep pai tloep lungna a awm ham ni. Cabu ciim ah thui la aka awm Pathen oen a thlaangthli kah lungna he awlpui la tawngpa oen huta kah a lungna hih oen vai hih – Jhn,14:21, 23; Jer,2:2; 31:3.

- A. Pathen kah thlaangphuon lawng Pathen a lungna tih Bawipa awl dawngah Bawipa oen pawlnengna awm ham atue alawh vengah Pathen lawng tethli te Bawipa kah Pathenben coengna oen sangthil tih, tethli te Bawipa kah apui paw nala Bawipa oen pumkhat la awm sak tih, hingna, coengna oen tuengna thli dawngah Bawipa angla a awm sak – Saam,119:140, 15-16.
- B. Pathen lawng mami te lahma la n'lungna, metitiah Bawipa lawng amah kah lungna te mami khuiah avan sangthil tih, Bawipa oen miamanauthli akalung lungna te mami khuiben ah a awm sak – 1Jhn,4:19-21.
- C. Pathen teng kalawng n'dang u hingna tah lungna kah hingna la awm. Khrih tah he diklai ah lungna la Pathen kah hingna te ahingpui tih, tahe Bawipa tah mami kah hingna la awm. Te dawngah mami khaw

- seh he diklai ah te lungna hingna te n'hingpui thai tih Bawipa angla n'hing u thai – 3:14; 5:1; 2:5-6; 4:17.
- D. Mami kah pumsa lungna te thinglamtah ah n'khueh ham ni. Pathen kah lungna oen mami kah pumsa lungna kah laklaw ah pekthlena pakhat tah mami kah lungna tah azoei cala kawpoek poek the n ate ni.
 - E. Mami tah Khrih kah lungna rangoen luithil muelh tih aka khuen phaathlaangthli la awm ham ni. Pathenben lungna tah mami tengah loe la aka laawng thaa aka raa tuiphu tuiletthli angla a awm ham tih, mami kah tungepna lakah pueh ngai tih Bawipa te hingpui ham mami te tanawt la awm – 2Kor,5:14.
 - F. Miamanau lungnaben oen tuhkai la vai ham koei tah ruemraw la khaw awm tih, thaina la khaw seh awm. Ruemraw natah oengcathli lawng Khrih-thlaang hingna acuek veng kalawng tete a awm poen dawngah ni. Athaina hetah Khrih-thlaang khawkaanna dawngah aka thai angna oen angrawng tih angna athai oen aka latsat tharaana oen koe koe ah angrawng theng la awm dawngah ni – 1Jhn,2:7-8; 3:11, 23; cf, Jhn,13:34.
 - G. Khrih kah vasahula la awm ham atah takpum he lungna dawngah mah oen mah sak la awm (Efe,4:16). Mami kah Pathen lawng peek la aka awm, cuunkoep la aka awm muithla he lungna kah muithla la awm. Tahe dung thlangboel kah atlaakna te taa thaina ham mami lawng aka rawng aka alh lungna kah muithla n'ngoe (2Tim,1:7).
 - H. "Cuihna lawng koe koe a oek sak. Tede lungna lawng tah aroeng sak" (1Kor,8:1b; cf, 2Kor,3:6). Mami pakhat oen pakhat lungna lawng Khrih oen n'tuhkai u tite noek sak la awm (Jhn,13:34-35). Thlangboel dawngah lahma ti ngaihna tah miamnauthli boeih te n'lungna oen a kalhna la awm (3Jhn,9).
 - I. Bawipa Jesu lawng mami Pathen hingna dang thai hamla a lungbui hingna te athlaawng angla, Khrih kah vasahula te roekbah atah takpum hingna te thuekdangna dawngah miamanauthli te lungna ham oen hingna te bibi pe ham mami kah lungbui hingna te n'sung tih mah oen mah te hooet u ham ni – 1Jhn,3:16; 4:17 oen ft, 5; Jhn,10:11, 17-18; 15:13; Efe,4:29-5:2; 2Kor,12:15; Rom,12:9-13.
 - J. Khrih kah hingnaben takpum te sak ham atah mami he n'tu meang la khaw awm ham, meang thaihu khaw sai ham lungna tah atheen koek lawng im la awm – 1Kor,12:13b,-13:8a.

III. Pathen lawng amah hamla apuipaw pakhat te thoeng sak ham metih sai la awm tite n'hu u ham angoe. Gen,2 lawng Adam oen Evi kah pungcan rangoen Khrih oen Bawipa kah vasahula muithlip te atueng sak nala awm.

- A. Adam he amah ham zu te Alapna aka soeng, khawhihuiiben va la aka awm Khrih dawng kah Pathen te huhsakna la awm – Rom,5:14; cf, Jhn,3:29; 2Kor,11:2; Efe,5:31-32; Awl,19:7-9; 21:9-11.
- B. "Jehovah Pathen lawng, tawngpa amah bueng a awm he theen nawh, amah oen aka roep aka baawmkung thlaang ka sai pe ai tila poekna akhueh" – Gen,2:18.
 1. Adam lawng zu angona hetah Bawipa kah kamthlahna dawngah Bawipa kah aberoep, Bawipa aka soep sakkung (awlla, Bawipa oen aka vai thlaang) la zu pakhat la Pathen kah angona te huhsakna la awm. Pathen, Khrih he pumboeih oen dungzan cak tih soep de catah Bawipa kah zu la aka awm thlangboel awm nawh atah soep nawh.
 2. Pathen lawng Khrih huhsak la aka awm Adam oen thlangboel huhsak la aka awm Evi pahih bawk la angoe. Bawipa kah mengengna tah "hethli lawng uk seh" ati ngaihna awm (1:26). Te tah aka taa Khrih oen aka taa thlangboel, sungrai kah bibina te aka taa Khrih oen sungrai kah bibi aka phe thlangboel te dang ham la ni. Pathen lawng Khrih oen thlangboel te uk sakna awm ham angaihna awm (Rom5:17; 16:20; Efe,1:22-23).
- C. Pathen lawng diklai dawng kalawng ramsathli boeih oen vaan kah vaathli boeih te oen mui asai tih Adam tengla akhuen pe. "Teti la baawiva ming boeih, vaan kah vaa ming boeih oen ramsa ming boeih te thlaang lawng asak pe. Tede Adam lawnh amah oen aka roep baawmkung khueh thlan huen" – Gen,2:19-20.
- D. Zu he hingna, cooengna oen tuengna dawngah va oen avai hih ham ni. Vaitaw, vaa oen ramsathli dawngah Adam amah oen avai amah aka baawmkung te huh nawh – athaan,23.
- E. Amah hamla aka soep sakkung te thoeng sak ham atah Adam te suenna rangoen huhsakna angla Pathen he lahma la thlaanghing la va cooeng – Jhn,1:14; Rom,5:14.

- F. "Jehovah Pathen lawng thlaang te muelh a ih sak, tetila a ih sak lii vengah, tawngpa ka have ruh te a zueh pe tih, ruh zueng la ngan oen koep a bawl pe: - Gen,2:21.
1. A zu la Evi te thoeng sak ham Adam kah muelh ihna he Bawipa kah a beroep la thlangboel thoeng sak ham thinglamtah ah Khrih kah aduekna te huhsakna la awm – Efe,5:25-27.
 2. Cabuciim dawngah ihna ati he duekna te thuingaih la awm – 1Kor,15:18; 1Thes,4:13-16; Jhn,11:11-14.
 3. Khrih kah aduekna he hing-loeih sakna, hing-sangthilna, hing-karhsakna, hing-pungtai sakna oen hing-aka thoeng sakkoep duekna la awm, tete diklai ah aka tlaa duekna kalawng roeng tih thlangboel ati takpum la aka awm takaawi tlaangat te sai ham (1Kor,10:17) zahawh thlang Juung cangtiithli te aka thawn sak cangtii pakhat la ahuh sak (12:24).
 4. Khrih kah aduekna rangoen Bawipa khui kah Pathen hingna tah loeih tih, Bawipa kah thawhkoepna rangoen Bawipa kah aka loeih Pathen hingna lawng thlangboel te atuhtawm ham Bawipa kah oengcathli khuiah asang pe – Luk,12:49-50; cf, Rom,12:11; Awl,4:5.
 5. Tetih bibina rangoen Khrih dawngah Pathen he thlaang khuiah Bawipa kah hingna oen cooengna te sangthil la awm. Te dengah thlaang he Bawipa kah puipaw la aka awm Bawipa oen avaina ham hingna oen cooengna dawngah Pathen angla awm thai ai.
- G. "Jehovah Bawipa lawng tawngpa teng kalawng azueh pe veruh oen hut ate asak tih thlaang tengah akhuen pe" - Gen,2:22.
1. Adam kah veruhthli kalawng zueh la aka awm veruh he Khrih kah aka rawk thai nawh, aka pawcii thai nawh dungzan hingna te huhsakna la awm (Heb,7:16; Jhn,19:32-33, 36; Exo,12:46; Saam,34:20). Te dungza hingna tah thun la aka awm a ve dawng kalawng thoeng tih (Jhn,19:34, Bawipa kah apuipaw la aka awm thlangboel te thoeng sak ham oen sakna hamla Bawipa kah oengcathli khuiah sangthil la awm.
 - a. Khrih kah ave kalawng thisen oen tui va thoeng. Tede Adam kah ave kalawng aka thoeng tah thisen nawh tih ve ruh ni.
 - b. He tah Adam kah atue vengah thawlh a awm nawh dawngah thisen rangoen tlangna angoe nawh dawngah ni. Khrih he thinglamtah dawng "a ih" vengah thawlh arain ate awm. Te dawngah Khrih ka have kalawng aka thoeng thisen hetah mami kah awlceknaben tlangna hamla ni.
 - c. Thisen coengah tui thoeng la awm, tetah mami kah hingnaben thlawinna hamla Pathen hingna alaawng nala awm (Exo,17:6; 1Kor,10:4; Num,20:8). He Pathenben, aka laawng suen la aka awm nawh hingna he Adam kah ave kalawng zueh la aka awm veruh te huhsakna la awm (Rom,5:10).
 2. Genesis 22 ah Evi te asuen ti nawh tih, asak tila athui. Adam kah ave kalawng zueh la aka awm veruh oen Evi asakna he Khrih kah thinglamtah sawah aduekna rangoen loeih la aka awm thawhkoep hingna oen thlangboel asakna te huhsak la awm – Jhn,12:24; 1Pit,1:3.
 3. Aka soeng Evi la aka awm thlangboel he Bawipa kah oengcathli boeih dawngah Khrih kah acingcui nala awm. Thlangboel he Khrih kah thawnkoep nala awm. Thlangboel dawngah Khrih acooengna coeng kah atloe cooengna awm ham nawh ni – Gen,5:2.
- H. Bawipa kah thawkoep hingna oen Khrih teng kalawng thoeng la ka awm bueng ni Bawipa kah vasahula la Bawipa kah soepna la awm thai ai (1Kor,12:12; Efe,2:6; 5:28-30). Thlangboel he Khrih teng kalawng aka law aka soeng thawinna la awm. Thlangboel he "Khrihben" "thawhkoepnaben" oen vaanben la awm.
- I. Adam oen Evi he pumkhat la awm tih va oen zu la haih imkhui kaw hingna te ahingpui (Ge,2:24-25). Hetah Jerusalem khawthai ah patoeng toeng poeng tih aka soepbir thumkhat Pathen tah vaan khawhiben va la awm tih, aka tlang thlaang, cuun thai la aka awm, mui aka thawleng, bawilen akatueng thlaanghing pumsa te a zu la awm vetih dungzan haih imkhui kaw hingna te ahingpui ai tite atueng sak (Awl,22:17a).
 - J. Aboet aka awm nawh dungzan tue ah Pathenben, dungzan oen aka bawilen tangkiik hingna rangoen, tethli lawng Pathen oen thlaangthli muithla pakhat la aka awm thooek haih hingna, aka pueh zotheenna oen kawhoenathli rangoen becoeih hingna te ahingpui ai.